



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.6. Califæ Abbasidæ.

[urn:nbn:de:hbz:466:1-66091](https://nbn-resolving.de/urn:nbn:de:hbz:466:1-66091)

Sæcul. VIII.

A.C. 753.

Legati titulo unacum Joanne Constanti-
nopolim ire jubet. Papa quoque Dele-
gatos misit cum Epistolis, rogans Impe-
ratorem, quod jam sæpius monuerat,
ut cum exercitu veniret & Romam Ita-
liamque liberaret. Sed nec ista Lega-
tione quidquam effectum, nec ullum
Constantinus periclitanti Italiae misit au-
xilium.

§. VI.

*Califæ Abbasidæ.***Elmac. I. II.**

c. 1.

c. 2.

Nimirum Constantino Copronymo in
alia Orbis parte milite opus erat,
volenti piscari in turbido & Musulmannis
inter se ipsos divisis bellum inferre;
quippe Califæ Merovano adversabatur
potentissima factio; Duce *Ibrahim* filio
Mahometis, filii *Aly*, qui Familiæ Aba-
sinæ princeps extiterat. Nam Abas Ma-
hometis falsi Prophetæ patruus fuit, cum
Ommia Familiæ regnantis caput solum
in gradu remoto eum contingere. *Ibra-
him Iman* salutatur Mechæ anno Hegiræ
127. JESU Christi 744. sed elapsis annis
quatuor a Merovano captus interficitur.
Verum *Ibrahim* Frater *Abdalla*, cogno-
mento *Abulabas Saffab* huic factioni Du-
cem se præbuit, atque Cufæ in Arabia
anno 132. die Veneris, decimo tertio
mensis tertii, nempe ultimo Octobris an-
no Salutis 749. Califa proclamatus est.

Is

Is viribus superior Merovanum Syria & Sæcul. VIII.
Palæstina ejectum usque in Ægyptum A. C. 753.
fugere compulit, ubi desperatione actus
multa mala Christianis intulit. Multos *Ibid.pac.p.23*
vinculis onustos carcere detinuit, atque
inter alios *Chail* seu Michaelem, Patriar-
cham Jacobitam Alexandrinum, cui vi-
tam adimere, etiam præsente carnifice,
& gladium nudare jussò, sæpius minita-
tus est. Tandem Merovanus captus est
& occisus anno eodem 132., JEfu Christi
750. In ipso extinctum est genus Om-
miadarum, quod annis nonaginta & u-
no, ab anno Hegiræ quadragesimo pri-
mo, cum Moavia Califa electus est, re-
gnaverat. In illa rerum vicissitudine *Sup. Lib.*
Damascus illius Imperii caput esse cessa- *XXXIX.*
vit, & Stirps Ommiadaru[m] solum in
Hispania conservata, quo Abderamus
Hichami Califæ nepos anno 139. Hegi- *Theoph.an.*
ræ, Salutis vero 756. se recipiens, *Emir* *9.p.357.c.*
Almunenin, id est, Fidelium Princeps *Roderic.c.18*
proclamatus est, & Regni Sede Corduba
electa, annis triginta tribus imperavit.

Abdalla *Saffab* cum annis non plus *Elmac. p.*
quatuor & novem mensibus regnasset, e *103.*
vivis abiit ultimo mense anni Hegiræ 136.
id est, mense Junio anno salutis 754. Is
Patriarcham Jacobitam Antiochenum
constituit quemdam Episcopum nomine
Isaac, jam ante quam Califæ culmen ad-
eptus esset, suæ familiæ adscriptum, ei-

O 5 que



Sæcul. VIII. que mandata concessit, quibus omnes
A. C. 753. huic electioni adversantes vita privaren-
 tur. In eo tumultu duo Metropolitæ
 occisi. Isaac missa ad Michaelem Pa-
 triarcham Jacobitam Alexandrinum Epi-
 stola synodali rogabat, ut se ad Commu-
 nionem reciperet, vel ad se veniret. Mi-
 chael recipere eum recusabat, cumque
 se itineri accingeret, delatum est nun-
 cium in Ægyptum, Isaaco in Ægypto
 vita functo quemdam nomine Athana-
 sium in defuncti Sedem se intrusisse. Sed
 ecce, ipso altera die e vivis migrante,
 lius nomine Georgius Patriarcha Antio-
 chenus ordinatur, quem cum paulo post
 Califa *Abujafar Almansor*, qui *Saffab*
 successerat, ejecisset, amicum suum
 quemdam Episcopum in ejus locum sus-
 fecit, qui nullam ad Patriarcham Alexan-
 drinum Synodicam Epistolam dedit.

Itaque Constantinus Imperator oc-
 casione belli civilis inter Ommiadas &
 Abasidas solerter usus anno septingente-
 simo quinquagesimo primo, Regni sui un-
 decimo, captis civitatibus Theodosio-
 poli & Melitina Armenos quoque Impe-
 rio subjecit. Tunc Theodorus Vicarii
 minoris Armeniae filius Patriarcha Antio-
 chenus a Melchitis in locum Theophy-
 lacti anno superiore defuncti ordinatus,
 Sedem annis viginti tribus tenuit.

*Theoph. an.
II. p. 358.*

*Eutychius
an. tom. 2.
p. 399.*

S. VII.

